



გერმანიის ფედერაციული  
რესპუბლიკის საელჩო  
თბილისი

**მნიშვნელოვანი მითითება:** სავიზო განაცხადის შემოტანაზე ჩაწერა ხორციელდება მხოლოდ ინტერნეტით. თარიღის დასაჯავშნად გადადით [ამ ბმულზე](http://www.tiflis.diplo.de) ან ეწვიეთ საელჩოს ვებ-გვერდს [www.tiflis.diplo.de](http://www.tiflis.diplo.de).

სატელეფონო ინფორმაცია:  
ორშ. - პარ. 9 - 13 სთ., ტელ.: +995 32 2435399  
ინფორმაცია ელ. ფოსტით: [visa@tifl.diplo.de](mailto:visa@tifl.diplo.de)

## საინფორმაციო ფურცელი № D3f: დაფინანსების დამადასტურებელი საბუთები უნივერსიტეტში/ენის ინტენსიურ კურსებზე სწავლის შემთხვევაში

ნოემბერი 2018

### ზოგადი ინფორმაცია

გერმანიის უნივერსიტეტში სწავლის ან გერმანიაში ენის ინტენსიურ კურსებზე დასწრების მიზნით გამგზავრებისთვის სავიზო განაცხადის შემოტანისას საჭიროა გარანტირებული დაფინანსების დამადასტურებელი საბუთის წარმოდგენა. სტუდენტებისთვის გერმანიაში ცხოვრების უზრუნველყოფა სრული ერთი წლის განმავლობაში უნდა იყოს გარანტირებული (თვეების რაოდენობა გამრავლებული BaföG-ის მიერ დადგენილ თანხაზე, რომელიც ამჟამად შეადგენს 853 ევროს თვეში). ქვემოთ მოცემულია ფინანსური უზრუნველყოფის დამადასტურებელი საბუთების მიღების ყველაზე გავრცელებული შესაძლებლობები. თუ გერმანიაში ცხოვრების დაფინანსებას გამონაკლისის სახით სხვა საშუალებით გეგმავთ, გთხოვთ წინასწარ დაუკავშირდეთ საელჩოს.

ყველა საბუთი უნდა შემოიტანოთ **ორიგინალში** ერთ ასლთან ერთად. უცხოენოვან საბუთებს თან უნდა დაურთოთ გერმანული თარგმანი. უცხოური საბუთები მოქალაქეთა მდგომარეობის შესახებ (მაგ. დაბადების მოწმობა, ქორწინების მოწმობა და ა.შ.) აუცილებლობის შემთხვევაში უნდა იყოს ლეგალიზებული ან დამოწმებული აპოსტილით. იგივე სახის ქართულ საბუთებს უნდა ჰქონდეს აპოსტილი.

### I. ბლოკირებული ანგარიში

თქვენ გაქვთ შესაძლებლობა, იმ საფინანსო ინსტიტუტში, რომელსაც გერმანიის ფედერაციულ რესპუბლიკაში აქვს საბანკო საქმიანობის განხორციელების უფლება, გახსნათ ე.წ. ბლოკირებული ანგარიში. ამისათვის საჭიროა გერმანიაში თქვენი ცხოვრებისთვის საჭირო თანხა შეიტანოთ ამ ანგარიშზე, რომლის ნაწილიც დაიბლოკება. ამჟამად ყოველთვიური თანხა შეადგენს 853 ევროს. ბლოკირების გამო სტუდენტს შეეძლება თვეში მაქსიმუმ 853 ევროს გამოტანა ანგარიშიდან. ამით სტუდენტს გარანტირებულად ექნება საჭირო თანხა სწავლის მთელი პერიოდის განმავლობაში.

ბლოკირებული ანგარიშის გახსნა შესაძლებელია ყველა იმ საფინანსო ინსტიტუტში, რომელსაც გერმანიის ფედერაციულ რესპუბლიკაში აქვს საბანკო საქმიანობის განხორციელების უფლება. ანგარიშის გახსნა როგორც წესი შესაძლებელია უცხოეთიდანაც. ამისათვის გთხოვთ მიმართოთ შესაბამის საფინანსო ინსტიტუტს გერმანიაში ელ. ფოსტის მეშვეობით. მითითებები ბლოკირებულ ანგარიშთან დაკავშირებით გერმანულ ენაზე იხილეთ [საელჩოს ვებ-გვერდზე](http://www.tiflis.diplo.de) ან ინგლისურ ენაზე გერმანიის საგარეო საქმეთა სამინისტროს [ვებ-გვერდზე](http://www.tiflis.diplo.de).

#### მითითება:

ამ საინფორმაციო ფურცელში მოცემული ინფორმაცია ეყრდნობა მონაცემებსა და შეფასებებს, რომლებიც საელჩოს ტექსტის შედგენის დროისთვის გააჩნია. ჩვენ არ ვიღებთ პასუხისმგებლობას ამ ინფორმაციის სრულყოფილებასა და სისწორეზე, განსაკუთრებით დროდადრო შესული ცვლილებების გამო. თქვენ შეკითხვებს სიამოვნებით უპასუხებს საელჩოს სამართლებრივი და საკონსულო განყოფილება.



გერმანიის ფედერაციული  
რესპუბლიკის საელჩო  
თბილისი

**მნიშვნელოვანი მითითება:** სავიზო განაცხადის შემოტანაზე ჩაწერა ხორციელდება მხოლოდ ინტერნეტით. თარიღის დასაჯავშნად გადაადით [ამ ბმულზე](http://www.tiflis.diplo.de) ან ეწვიეთ საელჩოს ვებ-გვერდს [www.tiflis.diplo.de](http://www.tiflis.diplo.de).

სატელეფონო ინფორმაცია:  
ორშ. - პარ. 9 - 13 სთ., ტელ.: +995 32 2435399  
ინფორმაცია ელ. ფოსტით: [visa@tifl.diplo.de](mailto:visa@tifl.diplo.de)

მაგალითად დოიჩე ბანკი (Die Deutsche Bank Privat- und Geschäftskunden AG), X-Patrio და ასევე Fintiba წარმოადგენენ იმ საფინანსო ინსტიტუციებს, რომლებიც უცხოელ სტუდენტებს სთავაზობენ ბლოკირებული ანგარიშის გახსნას.

ანგარიშის გასახსნელად (მაგალითად დოიჩე ბანკში) საჭიროა, რომ საელჩომ მოგცეთ საკონსულოს მიერ გაცემული ცნობა და საელჩომ დაამოწმოს თქვენი სამოგზაურო პასპორტის ასლი. აღნიშნულის მისაღებად უნდა მოზრმანდეთ საელჩოში წინასწარი შეთანხმების გარეშე საკონსულო საკითხებთან დაკავშირებულ მიღების საათებში.

მნიშვნელოვანი ინფორმაცია დოიჩე ბანკში ანგარიშის გახსნასთან დაკავშირებით: აქამდე არსებული პროცედურა, რომლის დროსაც განმცხადებლები თავად აგზავნიდნენ განაცხადს ბანკში, შეიცვალა. ამის ნაცვლად საელჩოში უნდა მოიტანოთ საბუთები კონვერტით, რომელზეც დაკრული იქნება გერმანიაში გასაგზავნი საფოსტო მარკა. საბუთებს გააგზავნის საელჩო. ამისათვის საელჩოში მოსვლამდე მიმართეთ საფოსტო კომპანიას, მაგალითად DHL-ს. განმცხადებლებს შეუძლიათ მივიდნენ DHL-ის საქართველოს ოფისში და „გერმანიის საელჩო/დოიჩე ბანკის“ მითითებით გადაიხადოთ გაგზავნის თანხა. შემდეგ DHL-ისგან მიიღებთ შესაბამის კონვერტს საფოსტო მარკით (Airway-Bill). გთხოვთ, არ დახუროთ კონვერტი! ამას გერმანიის საელჩო გააკეთებს!

საელჩოში მოსვლისას გთხოვთ თან იქონიოთ საბანკო ანგარიშის გახსნის განაცხადი, თქვენი სამოგზაურო პასპორტი (ორიგინალი) და მისი მონაცემთა გვერდის ერთი ასლი და DHL-ის კონვერტი Shipment Airway-Bill-თან და გადახდის ქვითართან ერთად. გაითვალისწინეთ, რომ ბლოკირებული საბანკო ანგარიშის გახსნისთვის საჭირო საკონსულოს ცნობა ფასიანია (25 ევროს ექვივალენტი ლარში, ნაღდი ანგარიშსწორებით). საელჩო ასევე გაცნობებთ, რომ განმცხადებელი თავად არის პასუხისმგებელი ანგარიში გახსნის განაცხადში მინთითებული მონაცემების სისწორესა და სრულყოფილებაზე. აღნიშნულზე საელჩო არ იღებს პასუხისმგებლობას.

## II. ოფიციალური განცხადება ვალდებულების შესახებ (Verpflichtungserklärung)

დაფინანსების დადასტურების კედევ ერთი შესაძლებლობაა ოფიციალური უწყების მიერ გერმანიის უცხოელთა შესახებ კანონის 66-68 მუხლების შესაბამისად გაცემული განცხადება ვალდებულების თავის თავზე აღების შესახებ (Verpflichtungserklärung). პირი, რომელიც ოფიციალურად აკეთებს ამ განცხადებას, თავის თავზე იღებს ვალდებულებას, რომ გერმანიაში ჩასულ პირს უზრუნველყოფს საცხოვრებელი პირობებით და დაფარავს მისი ცხოვრებისთვის საჭირო ყოველდღიურ ხარჯებს. ამით იგი ასევე თავის თავზე იღებს პასუხისმგებლობას, რომ საჭიროების შემთხვევაში თავად გაიღებს გერმანიის სახელმწიფოს წინაშე სავარაუდოდ წარმოშობით ყველა იმ ხარჯს, რომელიც გერმანიაში ჩასული პირის მგზავრობასთან და გერმანიაში ცხოვრებასთან იქნება დაკავშირებული. გერმანიაში ყოფნის მიზნად მითითებული უნდა იყოს ფაქტობრივი მიზანი (უნივერსიტეტში სწავლა, მომზადება უნივერსიტეტში სწავლისთვის, ენის კურსები, უნივერსიტეტში საბუთების შეტანა, სკოლაში სწავლა და ა.შ.)!

აღნიშნული განცხადების გაკეთებისათვის პირმა უნდა დაადასტუროს, რომ მას აქვს საკმარისი შემოსავალი სავარაუდო ხარჯების დასაფარად. ვალდებულების თავის თავზე აღების შესახებ

მითითება:

ამ საინფორმაციო ფურცელში მოცემული ინფორმაცია ეყრდნობა მონაცემებსა და შეფასებებს, რომლებიც საელჩოს ტექსტის შედგენის დროისთვის გააჩნია. ჩვენ არ ვიღებთ პასუხისმგებლობას ამ ინფორმაციის სრულყოფილებაზე და სისწორეზე, განსაკუთრებით დროდადრო შესული ცვლილებების გამო. თქვენ შეკითხვებს სიამოვნებით უპასუხებს საელჩოს სამართლებრივი და საკონსულო განყოფილება.



გერმანიის ფედერაციული  
რესპუბლიკის საელჩო  
თბილისი

**მნიშვნელოვანი მითითება:** სავიზო განაცხადის შემოტანაზე ჩაწერა ხორციელდება მხოლოდ ინტერნეტით. თარიღის დასაჯავშნად გადაადით [ამ ბმულზე](mailto:am@tifi.de) ან ეწვიეთ საელჩოს ვებ-გვერდს [www.tiflis.diplo.de](http://www.tiflis.diplo.de).

სატელეფონო ინფორმაცია:  
ორშ. - პარ. 9 - 13 სთ., ტელ.: +995 32 2435399  
ინფორმაცია ელ. ფოსტით: [visa@tifl.diplo.de](mailto:visa@tifl.diplo.de)

განცხადებას გასცემს უცხოელთა საკითხების შესაბამისი უწყება (Ausländerbehörde) გერმანიაში. ამიტომ იქ წარსადგენი საბუთების შესახებ ინფორმაციისათვის პირდაპირ მიმართეთ აღნიშნულ უწყებას. გამონაკლის შემთხვევებში ვალდებულების შესახებ განცხადების გაცემა შეგიძლიათ მოითხოვოთ საელჩოში. იმის დასადგენად, ეხება თუ არა საქმე გამონაკლის შემთხვევას, გთხოვთ წინასწარ მიმართოთ საელჩოს.

### III. სტიპენდია

იმ შემთხვევაში, თუ გერმანიაში თქვენ სწავლას რომელიმე საჯარო დაწესებულების სტიპენდიით აფინანსებთ, გთხოვთ წარმოადგინოთ შესაბამისი ორგანიზაციის თანხმობა სტიპენდიის გაცემის შესახებ (მაგ. DAAD, ალექსანდერ ფონ ჰუმბოლტის ფონდი, DFG, InWEnt, პოლიტიკური ფონდები, გერმანიის საჯარო საგანმანათლებლო დაწესებულებები). იგივე ვრცელდება სტიპენდიებზე, რომლებიც გაცივმა თქვენი ქვეყნის საჯარო სახსრებიდან, თუ გერმანიის უნივერსიტეტთან შუამავლობას ახორციელებს გერმანიის საგარეო საქმეთა სამინისტრო, DAAD ან გერმანული სტიპენდიების გამცემი სხვა ორგანიზაცია.

### IV. სხვა შესაძლებლობები

ფინანსური უზრუნველყოფის დადასტურების სხვა შესაძლებლობები მოცემულია უცხოელთა შესახებ გერმანიის კანონის ადმინისტრაციული წესდების 16.0.8.1 პუნქტში.

ჩვენ რეგულარულად ვანახლებთ ამ საინფორმაციო ფურცელს. მიუხედავად ამისა, შესაძლებელია, რომ მასში მოცემული ინფორმაცია არ იყოს სრულყოფილი. ერთეულ შემთხვევებში შეიძლება დაჭირდეთ დამატებითი საბუთების ჩაბარება.

#### მითითება:

ამ საინფორმაციო ფურცელში მოცემული ინფორმაცია ეყრდნობა მონაცემებსა და შეფასებებს, რომლებიც საელჩოს ტექსტის შედგენის დროისთვის გააჩნია. ჩვენ არ ვიღებთ პასუხისმგებლობას ამ ინფორმაციის სრულყოფილებასა და სისწორეზე, განსაკუთრებით დროდადრო შესული ცვლილებების გამო. თქვენ შეკითხვებს სიამოვნებით უპასუხებს საელჩოს სამართლებრივი და საკონსულო განყოფილება.